



SAKSFRAMLEGG

Sakshandsamar: Jan Erik Boge	Arkivkode: FE-044
Arkivsaksnr: 18/1787	Løpenr: 21/3000
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	22.04.2021	034/2021

Justering av reglar om valstyret i delegeringsreglementet

22.04.2021 Kommunestyret:

Handsaming i møtet:

Ordførar Knut Harald Frøland (Bl) sette fram framlegg om følgjande tilleggspunkt i forhold til rådmannen sitt framlegg:

"Kommunestyret ber om å få opp ei sak med forslag til reglar om delegeringar til leiaren i naturutvalet."

Med dette tilleggspunktet vart rådmannen sitt framlegg samrøystes vedteke.

KS- 034/2021 Vedtak:

Det vert med verknad frå 23.04.2021 gjort følgjande endring i Samnanger kommune sitt delegeringsreglement:

Punkt 13.1 om arbeids- og ansvarsområde for valstyret vert endra til:

- *Valstyret er oppretta med heimel i vallova § 4-1. Arbeids- og ansvarsområdet for valstyret går fram av reglane i vallova m/føresegner. Kommunestyret delegerer til valstyret å oppnemna røytestyra.*

Vedtaket er gjort med heimel i § 5-14 i kommunelova.

Kommunestyret ber om å få opp ei sak med forslag til reglar om delegeringar til leiaren i naturutvalet.

Rådmannen sitt framlegg til vedtak:

Det vert med verknad frå 23.04.2021 gjort følgjande endring i Samnanger kommune sitt delegeringsreglement:

Punkt 13.1 om arbeids- og ansvarsområde for valstyret vert endra til:

- *Valstyret er oppretta med heimel i vallova § 4-1. Arbeids- og ansvarsområdet for valstyret går fram av reglane i vallova m/føresegner. Kommunestyret delegerer til valstyret å*

oppnemna røystestyra.

Vedtaket er gjort med heimel i § 5-14 i kommunelova.

Dokument som ikkje er vedlagt:

- Gjeldande delegeringsreglement for Samnanger kommune (<https://www.samnanger.kommune.no/innhald/politikk-og-hoyringar/for-folkevalde/#reglement>)
- Tidlegare delegeringsreglement for Samnanger kommune (vedteke av kommunestyret 20.02.2003)
- Vallova (<https://lovdata.no/dokument/NL/lov/2002-06-28-57>)

Kva saka gjeld:

Det er behov for ei presisering i punkt 13.1 om valstyret i kommunen sitt delegeringsreglementet. Presieringa går på at mynde til å oppnemna røystestyra i valkrinsane i kommunen er delegert frå kommunestyret til valstyret.

Bakgrunn:

I perioden 2003 – 2018 inneheldt Samnanger kommune sitt delegeringsreglement følgjande punkt om valstyret (punkt 2.2.07):

- *Personal- og økonomiutvalet skal vera valstyre for kommune- og fylkestingvalet og stortingsval i medhald av Lov om stortingsval, fylkestingval og kommuneval (vallova av 1. mars 1985 nr. 3) og ha all mynde etter denne lova. Kommunestyret delegerer til valstyret å oppnemna røystestyra.*

Personal- og økonomiutvalet i Samnanger endra i 2011 namn til formannskapet.

Delegeringsreglementet frå 2003 vart i juni 2018 erstatta av eit nytt delegeringsreglement. I det nye delegeringsreglementet står det i punkt 2.2 at valstyret er eit fast organ i kommunen. Vidare står det i punkt 13.1 i delegeringsreglementet følgjande om valstyret:

- **Arbeids- og ansvarsområde:** *Valstyret er oppretta med heimel i vallova § 4. Arbeids- og ansvarsområdet for valstyret går fram av reglane i vallova m/føresegner.*

Det går fram av § 4-1 i vallova at det i kvar kommune skal vera eit valstyre som skal veljast av kommunestyret. Det går i vallova òg fram kva oppgåver valstyret har, samt at kommunestyret kan delegera oppnemninga av stemmestyre (røystestyre) til valstyret,.

Slik delegeringsreglementet er formulert i dag, går det ikkje tydeleg fram om kommunestyret har delegert oppnemninga av røystestyre til valstyret.

Vurderingar og konsekvensar:

Det er uklart kva som gjorde at setninga om delegering av mynde til å oppnemna røystestyra ikkje vart teken med ved revisjonen av delegeringsreglementet i 2018. Rådmannen foreslår at denne setninga no vert teken inn igjen i delegeringsreglementet. Det vil vera mest føremålstenleg at mynde til å oppnemna røystestyra ligg til valstyret.

Det vert foreslått følgjande justering i delegeringsreglementet:

<i>Kapittel 13 Valstyret - noverande ordlyd</i>	<i>Kapittel 13 Valstyret - forslag til ny ordlyd</i>
<u>13.1 Arbeids- og ansvarsområde:</u> Valstyret er oppretta med heimel i vallova § 4. Arbeids- og ansvarsområdet for valstyret går fram av reglane i vallova m/føresegner.	<u>13.1 Arbeids- og ansvarsområde</u> Valstyret er oppretta med heimel i vallova § 4-1. Arbeids- og ansvarsområdet for valstyret går fram av reglane i vallova m/føresegner. Kommunestyret delegerer til valstyret å oppnemna røystestyra.

Vedtaksmynde for delegeringsreglementet ligg til kommunestyret, ref. reglar i § 5-14 ikommunelova.